

摛藻堂四庫全書薈要

集部

欽定四庫全書叢要

集部

簡齋集卷一至四

詳校官助教臣謝登雋



欽定四庫全書

薈要

簡齋集目錄

卷一

賦

卷二

詩

卷三

詩

卷四

詩

卷五

詩

卷六

詩

卷七

詩

卷八

詩

卷九

詩

卷十

詩

卷十一

詩

卷十二

詩

卷十三

詩

卷十四

詞

卷十五

附錄外集

詩 銘 記 留 賛

臣

等謹案簡齋集十五卷宋陳與義撰與義

字去非洛陽人簡齋其號也官至參知政事
事迹具宋史本傳集本十四卷第十五卷為
附錄外集前後載賦及襍文僅九篇餘皆詩
詞當靖康以後北宋詩人如蘇軾黃庭堅陳
師道等皆凋零已盡惟與義為文章宿老歸
然獨存其詩風格遒上時見剗削刻露之致
當代罕能過之方回瀛奎律髓以杜甫為一

祖而以黃庭堅陳師道及與義為三宗雖門戶之見主持太過要亦非盡構虛詞也初與義作墨梅詩見知於徽宗其後有客于光陰詩卷裏杏花消息雨聲中句亦為高宗所賞紹興中遂至執政在南宋詩人之中最為顯達然皆非其傑構至於湖南流落之餘汴京板蕩以後感時撫事慷慨激越而寄托遙深乃往往突過古人故劉克莊謂第其品格當

在諸家之上其表侄張嵲為作墓誌云公詩體物寓興清遠超特紆餘閑肆高舉橫厲可謂善于形容至以陶謝韋柳擬之則殊不甚似溯其源流終自江西而來特天分絕高善于變化故卓然自成一家耳乾隆四十三年正月恭校上

總纂官臣紀昀臣陸錫熊臣孫士毅

總校官臣陸費墀

新定日庫全書

日算

簡齋集原序

詩無論拙惡忌矜持瞻彼日月不在情景入玄彼黍離離不分奇間異事流盪自然要於暢極而止彼訏謨定命遠猶辰告雖為德人深致若論其感發濃至故不如昔我往矣楊柳依依之句比之柔腸易斷復何以學問著力為哉詩至晚唐已厭至近年江湖又厭謂雲和易如流殆於不可莊語而學問為無用也荆公要帖排奡時出經史然體格如一及黃太史矯然特出新意真欲

咸用萬卷與李杜爭能於一辭一字之頃其極至寡情
少恩如法家者流余嘗謂晉人語言使一用為詩皆當
掩出古今無他真故也世間用事之妙韓淮陰所謂是
在兵法諸君未知者豈可以馬尾而數蟲魚而注哉后
山自謂黃出理實勝黃其陳言妙語乃可稱破萬卷者
然外枯槁又如息夫人之絕世一笑自難惟陳簡齋以
后山體用后山望之蒼然而光景明麗肌骨勻稱古稱
陶公用兵得法外意以簡齋視陳黃節制亮無不及則

后山視簡齋刻削尚似矜持未盡去也吾執鞭古人豈
敢云獨為簡齋放言或問宋詩簡齋至矣畢竟比坡公
何如曰詩道如花論高品則色不如香論逼真則香不
如色廬陵須溪劉辰翁序

詩至老杜極矣東坡蘇公山谷黃公奮乎數世之下復
出力振之而詩之正統不墜然東坡賦才也大故解縱
繩墨之外而用之不窮山谷措意也深故游泳玩味之
餘而索之益遠大抵同出老杜而自成一家如李廣程

不識之治軍龍伯高杜季良之行已不可一概語也近世詩家知尊杜矣至學蘇者乃指黃為強而附黃者亦謂蘇為肆要必識蘇黃之所不為然後可以涉老杜之涯涘此簡齋陳公之說云耳予游吳興得之乃知公所學如此故能獨步一代頃邑士有欲刻公詩者因出前聞為冠集首庶學者知公淵源所自且以折近世黨同伐異之說云公名與義字去非初賦墨梅受知徽考入中秘書遂掌帝制後參紹興大政簡齋其自謂也玄默

敦祥中秋晦齋書

欽定四庫全書會要卷一萬五千三百九十二

集部

簡齋集卷一

宋 陳與義 撰

賦

覺心畫山水賦

天寧堂中黃面老禪四海無人碧眼視天有一居士山澤之仙結三生之習氣口不停乎說山聊寄答於一笑夜乃夢乎其間重巖複嶺蔽虧吐吞紛應接其未了萬

雲忽其歸屯亂晦明于俄頃存十二之峯巒有木偃蹇
樵斤所難飽千霜與百霆根不動而意安澹山椒之落
日送萬古以無言彼棲鳥其何之方相急而破烟須臾
變滅所見唯壁有木上座夢中侍側問上座以何見口
不能守噴噴豈彼口之真無悟前境之非實管城子在
傍代對以臆忽風雨之驟過恍向來之所歷此其畫耶
則草木禽鳥皆似相識抑猶夢耶則已見圓于筆墨之
迹矣居士再至問以此故復寄答于一笑持畫疾去

王廷賦

吾聞陽公之田不墾不耕爰播盈斗可獲連城資陰陽
之淑氣孕天地之至精蜿蜒赤埴之腴煌扈白虹之英
驚山木之潤發冒朝采之餘榮逮百嘉之澤盡候此玉
之豐成王公大人方以不貪為寶辭秦玉而陋楚珩雖
三獻其奚售乃舉贊于老生老生囊中之法未試腹內
之雷久鳴寥石鼎而自濯楮豕腹之彭亨春江浩其波
濤遠壑颯以松聲俄白雲之漲谷亂雙眼于晦明擅人

間之三絕色味勝而香清捧盃孟而笑領映牖戶之新
晴斥去懶殘之芋盡棄接輿之菁收奇勲于景刻七未
落而體輕凌厲八仙掃除三彭見蓬萊之夷路接閻闔
于初程彼徇華之大夫含三生之宿醒汙之以蜂蜜辱
之以羊羹合堂逸少之矣同傳孝儀之鯖嘆超然之至
味乃陸沈於龍首豈皆能於我遇亦或卿而或烹起爰
筆而三叫驅蛇蚓以縱橫吾何與大夫之迷疾蓋以慰
此玉之不平也

放魚賦

仲冬良日二客過予請觀魚于竇氏之陂攝衣而興從
客往嬉日澹寒郊木影陸離顧道傍之洫異於他日浩
如潮之方滋客曰是殆水師不仁將平地以盡魚空其
池而寃之斯也至則水不膚寸矣而百萬之鱗灑濺聲
沸金橫玉偃失據狼狽赤手下捕易若拾塊翻倒窟穴
不遺細碎問其所以得取則輸金錢以買諸竇氏噫噦
是魚之愛其生與我無異也奈何使充物之性命帶瞞

喝而就鑿割纔以易一朝之費彼任公子雖永負于一魚而削河以東蒼梧以北皆歌舞其賜則乘除而逆計之其得失有以相濟也聊解我衣救爾戢戢爰得數斗護以微濕豈不指動易生相急將逸爾於隋溝資淮海以供給已趣湯而幸見赦同伏質而偶不及其亦知遇我之不可常而教鯀鷗以慎出入也僮奴笑曰美則美矣抑此賜不終夫巢梁之禽智困深叢草秀岩下出山不豐是魚安樂于止水之淵久矣而一旦投之衝沙走

石之流亦鱗敗鰭折未十里而取窮耳不虞生異使我
辭索遂用其言脫魚再厄步驛門而左轉得渺然之平
澤其深黛黑其淺鑑白窮源委而四顧知吾輩之責塞
鑿一瀉而莫留亂藻荇之寒碧乍圉圉以洋洋忽四散
而莫迹異乾魚之還鄉類羣鷁之徙宅念宇宙之偉事
或偶成于戲劇豈特為今日之一快吾將候風雷於他
夕也衆客欣然三達而退歸泚我筆以記斯會庶幾竇
氏子聞之為來歲之戒

簡齋集卷一

欽定四庫全書會要卷一萬五千三百九十三

集部

簡齋集卷二

宋 陳與義 撰

詩

次韻謝文驥主簿見寄兼示劉宣教

斷蓬隨天風飄蕩去何許寒草不自振生死依牆堵兩
塗俱寂寞衆手劇雲雨坐令習主簿下與雞鶩伍遙知
竹林交未肯一時數翩翩三語掾智與慢相補鬢劉吾

所畏道屈空去魯子才亦落落傾蓋極許予四夔照河

濱一笑寬逆旅堂堂吾景方

張儀
字

去作泉下土未知我

露電能復幾寒暑思尊久未決食齋轉覺苦我不逮諸

子要先諸子去不種楊惲田但灌呂安園未知誰善讓

可作孔文舉十年亦晚矣請便事斯語

來詩有十
年之約

題劉路宣義風月堂

長風將佳月萬里到此堂天遊本無待邂逅今夕涼北
窓舊竹短南窓新竹長此君本無心風月不相忘道人

方燕坐萬物凝清光不獨挹霜雪似聞笙鶴翔乃知一
念靜可洗千劫忙明當攜麌生往問安心方

送呂欽問監酒受代歸

以我千金帚逢君萬斛船要知窮有自未覺懶相先益
盍三年夢篇章四海傳匆匆秣歸馬離恨滿霜天

次韻周教授秋懷

一官不辨作生涯幾見秋風捲岸沙宋玉有文悲落木
陶潛無酒對黃花天機衮衮山新瘦世事悠悠日自斜

誤矣載書三十乘東門何地不宜瓜

次韻張矩臣功見示建除體

建德我故國歸哉遄我驅除道得歡伯荆棘無復餘滿懷秋月色未覺饑腸虛平林過西風為我起笙竽定知張公子能共寂寞娛執此以贈君意重貂襜褕破帽與青鞋耐久心亦舒危處要進步安處勿停車成虧在道德不在功利區收視以為期問君此何如開尊且復飲辭費道已迂閉口味更長香斷窓櫺疏

八音歌二首

金張與許史不知寒士名石交少瑕疵但有一麪生絲
色隨染異擇交士所貴竹林固皆賢山王以官累匏酌
可延客藜藿無是非土思非不深無屋未能歸革華雖
可俟不敢踐危地木奴會足飽寬作十年計

金章笑鶼衣玉堂陋茅茨石火不須臾白駒隙中馳絲
鬢那可避會當來如期竹固不如肉飛觴莫辭速匏竹
且勿誼聽我歌此曲土花玩四時未覺有榮辱草木要

一聲好異乖人情木公不可待且復舉吾觥

題牧牛圖

千里烟草綠連山
新雨足老牛抱朝饑
向山影觳觫犧
兒狂走先過浦却立
長鳴待其母母子為人實倉廩汝
飽不慙人愧汝牧童生來日日娛
只憂身大當把鋤日
斜睡足牛背上不信人間有廣輿

題易元吉畫麋

紛紛騎馬塵及腹名利之窟爭馳逐眼明見此山中吏

怪底吾廬有林谷雄雌相對目炯炯意閒不受榮與辱
掇皮皆真豈自知坐令貓犬羞奴僕我不是李衛公欺
爾無魂規爾肉又不是曹將軍數肋射爾不遺鏃明窗
無塵簾有香與爾共此春日長戲弄竹枝聊卒歲不羨

晉宮車下羊

題唐希雅畫寒江圖

江頭雲黃天醞雪樹枝慘慘凍欲折耐寒野鴨不知歸
猶向江邊弄羽衣黃茅終日不自力影亂弱藻相因依

唯有蒼石如卧虎不受陰晴與寒暑舟中過客莫敢侮
閒伴長江了今古

江南春

雨後江上綠客悲隨眼新桃花十里影搖蕩一江春朝
風迎船波浪惡暮風送船無處泊江南雖好不如歸老
齊遶牆人得肥

蠟梅

智瓊額黃且勿誇回眼視此風前葩家家融蠟作杏華

歲歲逢梅是蠟花世間真僞非兩法映日細看真是蠟
我今嚼蠟已甘腴況此有韻蠟不如只愁繁香欺定力
薰我欲醉須人扶不辭花前醉倒卧經月是酒是香君
試別

次韻張元方春雪

雲黃天為低窗白雪初作幽人睡方覺簾外舞萬鶴斜
斜既可人整整亦不惡不知來何暮遂失梅花約東風
桃杏暖不受珠璣絡聊回萬斛潤點點付藜藿幽人無

酒飲一笑供酬酢歲晚會復來相期在丘壑

舍弟踰日不知雪勢密因再賦

密雪來催詩似怪子不作蔽天白漫漫誰辨鷺與鶴坐
令天回笑未受風作惡急飛既繁麗緩舞尤綽約稍積
草木上斷縞莽聯絡終然要白日印彼葵與藿滿眼豐
歲意空詩信難醉慎勿辭與衣已不慮填壑

雜書示陳國佐胡元茂四首

一官專為口俯仰汗我顏顧將千日鑛換此三歲閒冥

冥雲表雁時節自往還不憂稻梁絕憂在羅網間絕勝

杜拾遺一飽常間關晚知儒冠誤猶戀終南山

杜門十日疾因得觀妄身勿云千金軀今視如埃塵平
生老赤脚每見生怒嗔揮汗煮我藥見此愧其勤

巨源邦之棟急士如拾珍定知柳下鍛遠勝崔史陳絕
交雖已臨益見叔夜真士要雖衣食求仁今得仁釋之
與王生盛美俱絕倫吾評竹林詠未可少若人

吾昔同年友壯志各南溟十年風雨過見此落落星秀

者吾元茂衆器見鼎鉶許身稷契間不但醉六經時逢
下車揖慰我兩眼青勿憂事不理伯始在朝廷

書懷示友十首

俗子令我病紛然來座隅賢士費懷思不受折簡呼城
東陳孟公久闊今何如明月照天下此夕與君俱不難
十里勤畏借東家驢似聞有老眼能作薦鵠書功名勿
念我此心已掃除

陳孟公
謂國佐

張子霜後鷹眉骨非凡曹不肯兄事錢但欲僕命騷胡

為隨我輩碌碌著青袍相逢車馬邊技癢不得搔

平生詩作崇腸肚因藿食使我忘隱憂亦自得詩力絕
知是餘蔽且復永今日不如付盃酒一笑萬事畢毛穎
僅升堂麌生真入室

我夢鍾鼎食或作山林遊當其適意時略與人間侔覺
來跡便掃我已不悲憂人間安可比夢中無悔尤

我策三十六第一當歸田柴門種雜樹婆娑樂餘年是
中三益友不減二仲賢栢樹解說法桑葉能通禪

有錢可使鬼無錢鬼揶揄百年堂前燕萬事屋上鳥
微官不救飢出處違壯圖相牛豈無經種樹亦有書如何
求二頃歸卧淵明廬曝背對青山鳥鳴人意舒試數門
前客終歲幾覆車

仲舒老一經策世非所長瓦鼎薦蔬食但取充饑腸偉
哉賈生書開闔有耿光既珍亦可飽舉俗不見嘗

揚雄平生學肝腎因雕鎬晚于玄有得始悔賦甘泉使
雄早大悟亦何事於玄賴有一言善酒箴真可傳

蕭蕭十月菊耿耿照白草
開窗逢一笑未覺徐娘老
風霜要飽更獨立晚更好
韓公真躁人顧用擾懷抱
青青堂西竹歲寒不緇磷
蓬蒿衆小中拭眼見長身澹
然冬日影此處極可入子猷
幸見過一洗聲色塵

風雨

風雨破秋夕梧葉窗前驚不愁
黃落近滿意作秋聲客
子無定力夢中波撼城覺來俱
不見微月照殘更

曼陀羅花

我圃殊不俗翠蕤敷玉房秋風不敢吹謂是天上香烟
迷金錢夢露醉木蕖粧同時不同調曉月照低昂

螢火

翩翩飛蛾掩明燭見烹膏油罪莫贖嘉爾螢火不自欺
草間相照光煜煜却馬已錄仙人方映書曾登君子堂
不畏月明見陋質但畏風雨難為光

北風

北風掠野悲歲暮黃塵漲街人不度孤鴻抱飢客千里

性命么微不當怒梅花欲動天作難蓬飛上天得盤桓
千里卧木枝葉盡獨自人間不受寒

簡齋集卷二

欽定四庫全書

薈要卷一萬五千三百九十四

集部

簡齋集卷三

宋 陳與義 撰

詩

送張仲宗押戩歸閩中

翩然鴻鵠本不羣亦復為口長紛紛去年弄影河北月
今年迎面江南雲還家不比陶令冷持節正效相如勤
青天白日映徒御玄髮絳旆明江漬舟前落花慰野老

浦口杜若愁湘君遙知詩成寄驛使萬里春色當見分
贈人以言予豈敢不忍負子聊云云舊山雖好慎勿過
恐有德璋能勒文

襄邑道中

飛花兩岸照船紅百里榆堤半日風卧看滿天雲不動
不知雲與我俱東

寄新息家叔

風雨淮西夢危魂費九升一官遮日手兩地讀書燈兒

客深藏舌吟詩不負丞竹林雖有約門戶要人興

年華

去國頻更歲為官不救饑春生殘雪外酒盡落梅時白
日山川映青天草木宜年華不負客一一入吾詩

茅屋

茅屋年年破春風歲歲來寒從草根退花值客愁開時
序添詩卷乾坤進酒盃片雲無思極日暮却空迴

酴醿

雨過無桃李唯餘雪覆牆青天映妙質白日照繁香影動春微透花寒韻更長風流到尊酒猶足助詩狂

秋雨

蕭蕭十日雨穩送祝融歸燕子經年夢梧桐昨暮非一涼恩到骨四壁事多違衆衆繁華地西風吹客衣

西風

木末西風起中含萬里涼浮雲不愁思盡日只飛揚夢斷頭將白詩成葉自黃不闢明主棄本出凋陰鄉

題許道寧畫

滿眼長江水蒼然何郡山向來萬里意今在一窗間衆
木俱含晚孤雲遂不還此中有佳句吟斷不相關

和張矩臣水墨梅五絕

巧畫無鹽醜不除此花風韻更清殊從教變白能為黑
桃李依然是僕奴

病見昏花已數年只應梅蕊故依然誰教已作陳玄面
眼亂初逢未敢憐

粲粲江南萬玉妃
別來幾度見春歸
相逢京洛渾依舊
唯恨緇塵染素衣

含章簷下春風面
造化功成秋兔毫
意足不求顏色似
前身相馬九方皋

自讀西湖處士詩
年年臨水看幽姿
晴窗畫出橫斜影
絕勝前村夜雪時

夜雨

經歲柴門百事乖
此身只合卧蒼苔
蟬聲未足秋風起

木葉俱鳴夜雨來棋局可觀浮世理燈花應為好詩開
獨無宋玉悲歌念但喜新涼入酒盃

連雨不能出有懷同年陳國佐

雨師風伯不吾謀漠漠窮陰斷送秋欲過蘇端泥浩蕩
定知高鳳麥漂流簷前甘菊已無益階下決明還可憂
安得如鴻六尺馬暫時相就說新愁

目疾

天公嗔我眼常白故著昏花阿堵中不怪參軍談瞎馬

但妨中散送飛鴻著籬令惡誰能對損讀方奇定有功
九懶從來自佛種會如那律證圓通

以事走郊外示友

二十九年知已非今年依舊壯心違黃廬滿面人猶去
紅葉無言秋又歸萬里天寒鴻雁瘦千村歲暮鳥鳥徵
往來肩肩君應笑要就南池照客衣

十月

十月北風催歲闌九衢黃土汙儒冠歸鵠落日天機熟

老雁長雲行路難
欲詣熱官憂冷語
且求濁酒寄清歡
孤吟坐到三更月
枯木無枝不受寒

題小室

暫脫朝衣不當閒
澶州夢斷已多年
諸公自致青雲上
病客長齋繡佛前
隨意時為獅子卧
安心懶作野狐禪
爐烟忽散無踪跡
屋上寒雲自黯然

次韻張迪功春日

年年春日寒欺客
今日春無一半寒
不覺轉頭逢歲換

便須揩眼待花看爭新遊女幡垂鬢依舊先生日照盤
從此不憂風雪厄杖藜時可過蘇端

又和歲除感懷用前韻

宦情吾與歲俱闌只有詩盟偶未寒鬢色定從今夜改
梅花已判隔年看高門召客車稠疊下里燒香篆屈盤
我亦三盃聊復爾夢回鴟鷺出朝端

張迪功攜詩見過次韻謝之二首

黃紙紅旗意未闡青衫俱不救飢寒久拋三徑未得返

偶有一錢何足看世事豈能磨鐵硯詩盟聊可欹銅盤
不嫌野外時迂蓋政要相從叩兩端

黃雞白石唱初闌便覺杯觴耐薄寒坐上客多真足樂
床頭湯在不須看更思深徑接紅蕊政待移厨洗玉盤
若恨重城催興盡歸時落日尚雲端

即席重賦且約再遊二首

牆頭花定覺風闌牆外池深酒亦寒馬健莫愁歸路遠
詩成未許俗人看釣魚不用尋溫水濯髮真如到洧盤

一笑得君天所借尊前無地著憂端

詩情不與歲情闌春氣猶兼水氣寒怪我問花終不語
須公走馬更來看共知浮世悲駒隙即見平波散芡盤
得一老兵雖可飲從今取友要須端

次韻家叔

袞袞諸公車馬塵先生孤唱發陽春黃花不負秋風意
白髮空隨世事新閉戶讀書真得計載肴從學豈無人
只因又被支郎笑從者依然困在陳

次韻答張迪功坐上見貽張將赴南都任二首

足錢便可不須僕免對妻兒賦百憂一笑相逢亦奇事
平生所得是清流談天安用如鄒子掃地還應學趙州
南北東西底非夢心閒隨處有真遊

千首能輕萬戶侯誦君佳句解人愁夢闌塵裏功名晚
笑罷尊前歲月流世事無窮悲客子梅花欲動憶吾州
明朝又作河梁別莫負平生馬少遊

送張迪功赴南京掾二首

士固難推挽君其自寵珍詩成建安子名到斗南人晚
歲還為客微官只為身向來書盡熟去不愧張巡

岸闊舟仍小林空風更多能堪幾寒暑又作隔山河看
客休題鳳將書莫換鵝功名大槐國終要白鷗波

梅花

高花玉質照窮臘破雪數枝春已多一時傾倒東風意
桃李爭春奈晚何

與周紹祖分茶

竹影滿幽窗欲出腰髀懶何以同歲暮共此晴雲梳摩
挲蟄雷腹自笑計常短異時分白雲小杓勿辭滿

題畫兔

碎身鷹犬慙何忍埋骨詩書事亦微霜落深林可終歲
雄雌暖日莫忘機

寄若拙弟兼呈二十家叔

退之送窮窮不去樂天待富富不來政須青山映黑髮
顧著皂蓋爭黃埃何如父子共一壑龐家活計良不惡

阿奴況自不碌碌白鷗之盟可同諾三間瓦屋亦易求
著子東頭我西頭中間共作老萊戲世上樂復有此否
問夢膏肓應已瘳歸來歸來無久留竹林步兵非俗流
為道此意思同遊

次韻謝表兄張元東見寄

平生張翰極風流好事工文妙九州燈裏偶然同一笑
書來已似隔三秋林泉入夢吾當隱花鳥催詩歲不留
安得清談一陶寫令人絕竒評文休

若拙弟說汝州可居已約卜一丘用韻寄元東

四歲冷官桑濮地三年羸馬帝王州陶潛迷路已良遠
張翰思歸那待秋病鶴欲飛還躡躅孤雲將去更遲留
盍簪共結雞豚社一笑相從萬事休

元方用韻見寄次韻奉謝兼呈元東二首

大難辭源三峽流小難詩不數蘇州了無徐生齊氣累
正值甯子商歌秋鵠飛千里從此始驥絕九衢誰得留
歲晚煩公起我病兩篇三歎不能休

一歡玄髮水東流兩脚黃塵閱幾州王湛時須看周易
虞卿未敢著春秋不辭彭澤腰常折却得邯鄲夢少留
有句驚人雖可喜無錢使鬼故宜休

元方用韻寄若拙弟邀同賦元方將託若拙覓
顏淵之五十畝故詩中見意

夢中與世極周流錯認三刀是得州擬欲耕田給公上
要為同社醉春秋囊間已辦青芒履桑下想聞黃栗留
倘有幽人諮詢處為言無况莫來休

西郊春事寢入老境元方欲出遊以無馬未果

今得詩又有舉鞭何日之嘆因次韻招之

毛穎陳玄雖勝流也須從事到青州重吟玉樹懷崔子
欲唱金衣無杜秋官柳正須工部出園花猶為退之留
籃輿自可煩兒輩一笑來從樾下休

答元方述懷作

不見圓機論九流紛紛騎鶴上揚州令之敢恨松桂冷
君叔但傷蒲柳秋汝海蛇盃應已悟襄陵駒隙竟難留

來牛去馬無窮債未蓋棺前盍少休

六言二首

莫賦澗松鬱鬱但吟波麥青青為婦讀劉伶傳教兒書
寢戚經

種竹可侔千戶擁書不假百城何必思之爛熟熟官無
用分明

欽定四庫全書會要卷一萬五千三百九十五集部

簡齋集卷四

宋 陳與義 撰

詩

聞葛工部寫華嚴經成隨喜賦詩

如來性海深復深留書與世渝蓬心畫沙累土皆佛事
况乃一字能千金老郎居塵念不起法中龍象人獅子
前身智永心了然結習未空猶寄此怪公聚筆如須彌

經成筆盡手不知凌雲題就草誕老願力所到公何疑
珠函綉帙芝蘭室護持金剛竦神物枯葵應感不足論
毛穎陶泓俱見佛

次韻家弟碧線泉

七孔穿針可得過氷蠶映日吐寒波練飛空詠徐凝水
帶斷疑分漢帝河川后不愁微步襪鮫人暗動卷絣梭
才高下視玄虛賦對此區區轉患多

同家弟賦蠟梅詩得四絕句

朱朱與白白著意待春開那知洞房裏已傍額黃來
韻勝誰能舍色莊那得親朝陽一映樹到骨不留塵
黃羅作廣袂絳帳作中單人間誰敢著留得護春寒
一花香十里更值滿枝開承顏不在貌誰敢鬪香來

次韻光化宋唐年主簿見寄二首

茂林當日映羣賢也喚畸人到席間棄我便驚車轍遠
懷君端見鬚毛斑夢中猶得攀珠樹別後能忘倒玉山
遙想詩成寄來日筆端風雨發天慳

高人主簿固非宜天馬何妨略受鞍會有梅花堪寄遠
可因尊菜便懷歸相如未免家徒壁季子行看嫂下機
且復哦詩置此事江山相助莫相違

再用景德純韻詠懷二首

路斷赤墀青瑣賢士龍同此屋三間愁漫潘令鬢先白
夢裏老萊衣更斑欲學大招那有賦試謀小隱可無山
一錢留得真堪笑未到囊空猶是慳

木枕蒲團病更宜從教惡少事鞍轂元無王老又何怨

不有麌生誰與歸六日取蟾乖世用三年刻楮費天機
只應杖履從公處未覺平生與願違

謝楊工曹

借屋三間稍離塵攜書一束謾娛身客居最負青春好
世事還隨白髮新造化小兒真薄相市朝大隱亦長貧
獨無芋栗供賓客虛辱先生賦比隣

謹依十七叔去鄭詩韻二章以寄家叔一章以

自詠

鄉里小兒真可憐市朝大隱正陶然固應聊頌屈原橘底事便歌楊惲田廣陌遙知駒歛段曲池猶記鷺聯拳對床夜雨平生約話舊應驚歲月遷

蚍蜉堪笑亦堪憐樹無功更佛然賦就柳州聊解祟詩成彭澤要歸田身謀共悔蛇安足理遣須看佛舉拳懷祖定知當晚合次君未可怨稀遷

鏡中無復故人憐却愧謀生後計然叔夜本非堪作吏元龍今悔不求田懷親更值薪如桂作客重看栗過拳

萬事巧違高枕卧憂來一夕費三遷

連雨書事四首

九月逢連雨瀟瀟穩送秋龍公無乃倦客子不勝愁雲
氣昏城壁鐘聲咽寺樓年年授衣節牢落向他州

風伯方安卧雲師亦少饕氣連河漢潤聲到竹松高老
鶴尤貪去寒蟬遂不號相悲更相識滿眼楚人騷

寒入新芻價連天兩眼愁生涯赤藤杖契分黑貂裘烏
鵲無言暮蓬蒿滿意秋同時不同味世事劇悠悠

白菊生新紫黃蕪失舊青俱含歲晚恨併入夜深聽夢
寐連蕭索更籌亂晦冥雲移過吳越應為洗餘腥

陳叔易賦王秀才所藏梁織佛圖詩邀同賦因

次其韻

維摩之室本自空忽驚滿月臨丹宮稽首世尊真實相
不比圖畫填青紅天女之孫檀天巧經緯星宿超庸庸
淪精入此三昧手一念真到祇園中意匠經營與佛會
七寶欲動聲瓏瓏眉間毫光放未盡指下已帶旃檀風

飛梭本是龍變化挾大威德行神通恍若祇洹遇佛影
豈彼臺象能比崇共惟此事不思議細看衆巧無遺蹤
日浮雞園赤爛爛天入鷲嶺青叢叢那知金臂是正倒
但覺已挫千魔鋒龍天四衆儼然侍喜滿火宅俱成功
向來八風幾捲地衆寶行樹無摧折老蕭區區佛所憫
豈與十二蟻蛻同重雲之殿珠作帳一朝入海奔雷公
幸留此像不為少福聚萬紀兼千總餘休八葉終灰燼
堅固却賴三眠蟲似聞法猛織絲像當時已不隨烟東

煌煌二寶照南北客攝萬鬼專其雄龍華已耀東坡墨
驚夢不暇撞洪鐘唯有慈圖晦幾歲留待公句貽無窮
畫沙累土皆見佛而况筆墨如此工亦念衆生業障厚
要與機杼聊分攻從今俱盡未來世買絲不繡平原容

趙虛中有石名小華山以詩借之

君家蒼石三峰樣磅礴乾坤氣象橫賤子與山曾半面
小窗如夢慰平生爐烟巧作公超霧書冊尚避秦皇城
病眼朝來欲開懶借君岩岫障新晴

次韻樂文卿北園

故園歸計墮虛空啼鳥驚心處處同四壁一身長客夢
百憂雙鬢更春風梅花不是人間白日色爭如酒面紅
且復高吟置餘事此身能費幾詩筒

汝州吳學士觀我齋分韻得真字

狂夫縛軒冕自許稷契身靜者樂山林謂是羲皇人不
如兩忘快內保一色醇偉哉道山傑滯此汝水濱大來
會澗步小憇得幽欣一齋有琴酒萬事無繙磷不作子

公書肯受元規塵人言君侯痴我知丈人真月明泉聲
細雨過竹色新是間有真我宴坐方申申

送秘典座勝侍者乞麥

一春不雨但多風家家買龜問豐凶天寧疏頭與天通
此筆未了雲埋空一雨三日勤老龍隴頭滿眼十分豐
法中福將兩英雄自說去立丘山功堂頭老師言語工
一詩自直三千鍾不憂乞米送盧仝末章謹已藏胸中

食蠶

君不見領軍家有鞋一屋相國藏椒八百斛士患飢寒
求免患痴兒已足憂不足伯龍平生受鬼笑無錢可使
宜見瀆但當與作謫仙詩聊復使渠終夜哭詩中有味
甜如蜜佳處一哦三鼓腹空腸時作不平鳴却恨忍飢
尤未熟冰壺先生當立傳木奴魚婢何足錄顏生狡猾
還可憐晚食由來未忘肉

古別離

東門柳年年歲歲征人手千人萬人於此別柳亦能堪

幾人折願君遄歸與君期要及此柳未衰時

蠟梅四絕

花房小如許銅剪黃金塗中有萬斛香與君細細輸
來從底處所黃露滿衣濕緣愁翻得憐亭亭倚風立
奕奕金仙面排行立曉晴殷勤夜來雪少住作珠纓
亭亭金步搖朝日明漢宮當時好光景一似此園中

次韻富季申主簿梅花

東風知君將出遊玉人迥立林之幽欹牆數苞乃爾瘦

中有萬斛江南愁君哦新詩我聰瑩句裏無塵春色靜
人人索笑那得禁獨為君詩起君病欲語未語令人嗟
桃李回看眼中沙同心不見昭儀種五出時驚公主花
典衣重作明朝約聊復寬君念歸洛笛催疎影日更疎
快飲莫教春寂寞

錢東之教授惠澤州呂道人硯為賦長句

君不見銅雀臺邊多事土走上觚稜蔭歌舞餘香分盡
垢不除却寄書林汙縑楮豈如此瓦凝青膏冷面不識

奸雄曹呂翁已去泣餘泣通譜未許弘農陶暮年得君
真耐久摩挲玉質雲生手未知南越石虛中亦有文章
似君否西家撲滿本第昆趣尚清濁何年分一朝墮地
真瓦礫莫望韓公無瘞文

以石龜子施覺心長老

老龜十年作一息天地併入支床力何年生此石腸兒
非皮裹骨骨裹皮君家元緒不慎口遂與老桑同一朽
知君遊世磨不磷往作道人之石友道人莫欺此龜無

六眸試與詰禪當點頭

陪諸公登南樓啜新茗家弟出建除體詩諸公
既和余因次韻

建康九醞美侑以八味珍除瘴去熱惱與茶不相親滿
月墮九天紫面光璘璘平生酪奴謗脈脈氣未伸定論
得公詩雅好知凝神執持甘露椀未覺有等倫破睡及
四座愧我非嘉賓危樓與世隔萬事不及唇成公方坐
嘯賞此玉花勻收盃未要忙再試晴天雲開口得一笑

茲遊念當頻閉眼歸默存助發梨棗春

諸公和淵明止酒詩因同賦

愛河漂一世既溺不能止不如淡生活吟詩北窗裏肺
肝亦何罪因此毛錐子不如友麴生是子差可喜三盃
取徑醉萬緒散莫起奈何劉伶婦苦語見料理不如一
覺睡浩然忘彼已三十六策中此策信高矣政使江變
酒誓不涉其涘尚須學王通藝黍供祭祀

以紙托樂秀才搗治

古人爭名翰墨藪柿葉桑根俱不朽固知老楮下歐陽
控御管城須好手嫁非好時聊自強幅則甚短慙甚長
聞道蔡侯閒石臼為借餘力生銀光

述懷呈十七家叔

兒時學道逃悲歡只今未免憂飢寒浮生萬事蟻旋磨
冷官十年魚上竿竹林步兵亦忍辱長安閉門出無僕
門前故人擁廬兒政坐向來甘碌碌君不見古人有待
良不多利名溺人甚風波垂露成幃仲長統明月為燭

張志和塵中別多會日少世事欲談何可了胸中萬卷
已無用勸公留眼送飛鳥兩翁觀光今幾時賦歸有約
時已稽未暇藏身北山北且須覓地西枝西顧從我翁
歸洗耳不用妓女汙山水肩輿亦莫要僕夫自有門生
與兒子

周叔易於觀我齋分韻得自字

小草浪出山大隱乃居市功名一畫餅甚矣癡兒計傾
身犯火宅顧自以為戲汗顏逢永子更復問奚自三肅齋

中人本是青雲器雖然山上山政爾吏非吏蕭蕭窗前
竹見引著勝地世間劇寒暑了不受榮悴門前剥啄客
欲問觀我意但持邯鄲枕贈客一覺睡

觀我齋再分韻得下字

一慵縛兩脚閉戶了晨夜夢攀城西樹起造君子舍紫
髯出堂堂見客披衣謝平生功名手嗜靜如食蔗小齋
劇冰壺中明外無罅要知日用事趺坐看鳥下主人心
了了竹石亦閒暇兒童慣看客我車當日駕平分齋中

間風月不待借要須酒屢費不用牛心炙

寄題商洛宰令狐勵迎翠樓

西來金衣鶴書落汝水渭雲霞映道路中有迎翠詩遙
知五斗粟未辦買山資政要百尺樓了此浮天眉森然
詩中畫想見憑欄時朝曦與暮靄百變皆令姿君方領
此意簿書何急為衆手劇雲雨唯山不瑕疵當年四老
翁視世輕于芝坐令山偃蹇不受人招麾誰歟樓中客
俯仰與山期顧要君折腰督郵真小兒因之感我意故

岩歸已遲便攜靈運屐不待德璋移

次韻謝天寧老見貽

庭栢不受寒依然照人綠霧收晨光發可玩不可掬道人方出定不復辨羊鹿微雲度遙天一笑立於獨嗟予晚聞道學看傳燈錄三生蠹書魚萬卷今可束轂雖已破碎猶欲大其輻是身堪底用况乃五斗粟自從識師面日月幾轉轂受師爐中烟無處著榮辱周妻與何肉恨我未免俗從今謝百事請作龜頭縮却笑長沙傅區

區問淹速聊將非舌言往和無譜曲

陳叔易學士母阮氏挽詞二章

典刑奕奕照來今鶴髮魚軒汝水尋避地梁鴻不偕老
弄烏萊子若為心送喪忽見三千乘奉祝那聞五百金
婦德母儀俱不愧碑銘知已托張林

去年披霧識儒先欲拜萱堂未敢前盧壺要傳紗幔業
王裒忽廢蓼莪篇秀眉隔夢黃爐裏落日驅風丹旋邊
佛子歸真定何處空令苦淚漲黃泉

欽定四庫全書

簡齋集

十三

簡齋集卷四

謹案卷二第七頁前七行柴門種襟樹原本柴訛

紫據宋詩鈔改

卷三第四頁前五行階下決明還可憂原本憂訛
愛據別本改


第五頁後七行張迪功攜詩見過次韻謝之原本
脫謝字據別本增

卷四第四頁前二行連雨書事原本雨下行賦字

據別本刪

欽定四庫全書





總校官庶吉士臣張能照
校對官庶吉士臣陳墉
謄錄監生臣吳魯

欽定四庫全書會要

集部

簡齋集卷五至七

詳校官助教臣謝登雋叩



欽定四庫全書會要卷一萬五千三百九十六

集部

簡齋集卷五

宋 陳與義 撰

詩

歸洛道中

洛陽城邊風起沙
征衫歲歲負年華
歸途忽踐楊柳影
春事已到蕪菁花
道路無窮幾傾轂
牛羊既飽各知家
人生擾擾成底事
馬上哦詩日又斜

道中寒食二首

飛絮春猶冷離家食更寒能供幾歲月不辦了悲歡刺史蒲萄酒先生苜蓿盤一官違壯志百慮集征鞍

斗粟淹吾駕浮雲笑此生有詩酬歲月無夢到功名客裏逢歸雁愁邊有亂鶯楊花不解事更作倚風輕

龍門

不到龍門十載強斷崖依舊掛殘陽金銀佛寺浮佳氣
花木禪房接上方羸馬乍來還徑去流鶯多處最難忘

老僧不作留人意看水看山白髮長

次韵謝心老以緣事至魯山

禪師瓶貯幾多空欲問以書無去鴻魯縣人迎波若杖
天寧樹起吉祥風荒山春色篇章裏快士交情筆硯中
一日塵沙雙碧眼歸時應與去時同

友人惠石兩峰嶢然取杜子美玉山高並兩峯

寒之句名曰小玉山

舊喜看書今不看且留雙眼向孱顏從來作夢大槐國

此去藏身小玉山暮靄朝曦一生了高天厚地兩峯間

九華詩句喧寰宇細比真形伯仲間

家有壺中石刻

秋夜

中庭淡月照三更白露洗空河漢明莫遣西風吹葉盡
却愁無處著秋聲

跋外祖存誠子帖

亂眼龍蛇起平陸後身羲獻已黃墟客來空認宋公額
淚盡慚無楊惲書

詠蟹

量才不數制魚額四海神交顧長康但見橫行疑是躁
不知公子實無腸

留別心老

老心霜下松名與隆公齊人物北斗南佛事東院西平
生四海脚不踏四海泥晚說汝州禪飽噉天寧齋夢中
與我遇相扶兩枯藜每見眼自明不復煩金篦却從夢
中別未免意惄惄他時訪生死林深路應迷

中牟道中二首

雨意欲成還未成歸雲却作伴人行依然壞郭中牟縣
千尺浮屠管送迎

楊柳招人不待媒蜻蜓近馬忽相猜如何得與涼風約
不共塵沙一併來

秋雨

塵起一月憂無禾瓦鳴三日憂雨多書生重口輕肝腎
不如牆角蚯蚓方長哦少昊行秋龍洒道風作萬木皆

商歌病夫強起開戶立萬箇銀竹驚森羅人間偉觀如
此少倚杖不覺泥及靴菊叢欹倒未足道老景知奈梧
桐何是事且置當務本菜圃已添三萬科

中秋不見月

去年中秋端正月照我靄巾萬條血姮娥留笑待今年
淨洗金觥對銀闕高唐妬婦心不閒招得封姨同作難
豈唯恨滿月宮裏腸斷西山吳綵鸞却疑周生懷月去
待到三更黑如故人間今乏趙知微無復清遊繼天柱

南枝鳥雀不敢譁倚杖三嘆風枝斜明年強健更相約
會見林間金背墓

九日賞菊

黃花不負秋與秋作光輝夜霜猶作惡朝日為解圍今
晨豈重九節意入幽菲孤芳擅天地衆卉亦已微殷勤
黃金靨焰耀白板扉沽酒欲壽花孔兄與我違清坐絕
省事未覺此計非夕英豈不腴騷人自難肥

遊葆真池上

牆厚不盈咫人間隔蓬萊高柳喚客遊我輩御風來坐
久落日盡淡淡池光開白雲行水中一笑三徘徊鴨兒
輕歲月不受急景催試作弄篙驚徐去首不迴無心與
境接偶遇信悠哉再來知何似有句端難裁

次韻王堯明郊祀顯相之作

奏書初不待衡譚真璧都南萬玉參黃屋倚霄明半夜
紫檀承月眩諸龕聲喧大呂初終六影動玄圭陟降三
可是天公須羯鼓已迴寒馭作春酣

卷之五
端門聽赦詠雪

雲葉垂雞竿雪花眩鸞旗一天豐年意飄入萬壽卮
范玉妃班影亂千官儀也知樓頭喜舞態方自持教坊
可憐女赤面婆娑時天公一笑罷未覺風來遲小儒驚
偉觀倒笏不敢吹歸家得細說平分遺妻兒茅簷玉三
尺坐玩可樂飢生活太冷淡有以一篇詩

游玉仙觀以春風吹倒人為韻得吹字

清遊天不借破帽沙疾吹下馬棖桷鳴未恨十里陂風

餘簷鐸語坐定爐烟遲新春碧瓦麗古意喬木奇黃冠
見客喜此士定不羈但愧城中塵澁子青松枝人間爭
奪醜我亦寄枯棋輸贏共一笑馬影催歸時

路歸馬上再賦

偶然思玉仙便到玉仙遊興盡未及郭玉仙失回頭成
毀俱一念今昔浪百憂未知橫笛子亦解此意不春風
所經過水色如潑油垂鞭看落日世事劇悠悠

來禽花

來禽花高不受折滿意清明好時節人間風日不貸春
昨夜胭脂今日雪舍東蕪菁滿眼黃蝴蝶飛去專斜陽
姍姍都無十日事付與梧桐一夏涼

放慵

暖日薰楊柳濃春醉海棠放慵真有味應俗苦相妨官
拙從人笑交疎得自藏雲移穩扶杖燕坐獨焚香

清明二首

街頭女兒雙髻鴉隨蜂趁蝶學夭邪東風也作清明節

開遍來禽一樹花

卷地風拋市井聲
病扶危坐了清明一簾晚日看收盡

楊柳微風百媚生

春日二首

朝來庭樹有鳴禽
紅綠扶春上遠林
忽有好詩生眼底
安排句法已難尋

憶看梅雪縞中庭
轉眼桃稍無數青
萬事一身雙鬢髮

竹床欹卧數窗櫺

夏日集葆真池上以綠陰生晝靜賦詩得靜字

清池不受暑幽討起予病長安車轍邊有此荷萬柄是
身唯可憇共寄無盡興魚遊水底涼鳥語林間靜談餘
日亭午樹影一時正清風不負客意重百金贈聊將兩
鬢蓬起照千丈鏡微波喜搖人小立待其定梁王今
何許柳色幾衰盛人生行樂耳詩律已其勝邂逅一尊
酒他年五君詠重期踏月來夜半嘯烟艇

遊慧林寺以三峽炎蒸定有無為韻得定字是

日欲逃暑閣下而守閣童子持不可

我如東郊馬欹側甘瘦病今晨舉足輕起行得幽勝撫
窗喚懶慵槁面初出定眼明無常物坐久爐烟正門前
幾烏帽往來送朝暝豈知帽影邊有地白日靜寶閣陰
肅肅童子色不今年來惜違人一笑取歸逕願言捐何
肉終歲奉清淨簷鐸豈印吾出門有餘聽

道山宿直

離離樹子鵠驚飛獨倚枯筇無限時千丈虛廊貯明月

十分奇事更新詩人間路絕窗扉語天上雲空閣影移
遙想王戎燭下筭百年辛苦一生癡

雨晴

天缺西南江面清纖雲不動小灘橫牆頭語鵠衣猶濕
樓外殘雷氣未平盡取微涼供穩卧急搜奇句報新晴
今宵勝絕無人共卧看星河盡意明

十月

十月天公作許悲負霜鴻雁不停飛莽連萬里雲山去

紅盡千林秋徑歸病夫搜句了節序小齋焚香無是非
睡過三冬莫開戶北風不貸芰荷衣

漫郎

漫郎功業太悠然柱笏看山了十年黑白半頭明鏡裏
丹青千樹惡風前星霜屢費驚人句天地元須使鬼錢
踏破九州無一事只今分付結跏禪

柳絮

柳送腰肢日幾回更教飛絮舞樓臺顛狂忽作高千丈

風力微時穩下來

侯處士女挽詞

疇昔翁才比太師固應生女作門楣人間似夢風旌出
佛子何之宰樹悲五百祝金空總帳三千車乘忽荒陂
他年不共江流去突兀張林婦德碑

登天清寺塔

為眼不計脚攀梯受微辛半天拍欄干驚倒地上人風
從萬里來老夫方岸巾荒荒春浮水浩浩空納塵夕陽

差萬瓦赤鯉欲動鱗須臾暮烟合青魴映瀰淪萬化本
日馳高處覺眼新借問龕龍中仙坐穩今幾晨俗子書滿
壁淡然不生嗔唯有太行山修供獨殷勤

浴室觀雨以催詩走羣龍為韻得走字

微雲生屋脊欹枕看培塿崔嵬亂一瞬泰華入搔首須
臾萬銀竹牋觀驚戶牖摧擊竟自碎映空白烟走餘醺
送未了日色在井口去冬三寸雪寒日澹相守商量細
細融未覺經旬久誰能料天公辦此脫穎手一涼滿天

地平分到庭柳葉端嘯餘風送我一盃酒畫屏題細字
盡記同來友俗眼之所遺此事當不朽

夏至日與太學同舍會徐真二首

微官有閑閑三賦池上詩林密知夏深仰看天離離官
忙負遠興觴至及良時荷氣夜來雨百鳥清晝遲微風
不動蘋坐看水色移門前爭奪場取歡不償悲欲歸未
得去日暮多黃鸝

明波影千柳紺屋朝萬荷物新感節移意定覺景多遊

魚聚亭影鏡面散微渦江湖豈在遠所欠雨一簑忽看

帶箭禽三款無奈何

翁高郵挽詩

萬里功名路三生翰墨身暮年銅虎重浮世石羊新天
地慳豪傑山川泣吏民空傳四十誄竟不識斯人

秋試院將出書所寫牕

門前柿葉已堪書弄鏡燒香聊自娛百世窗明窗暗裏
題詩不用著工夫

秋日

琢句不成添鬢絲且褚筇杖看雲移槐花落盡全林綠
光景渾如初夏時

夏日

赤日可中庭樹影斂不開燭龍未肯忙一步九徘徊夢
中驚耳鳴忽覺聞遠雷屋上奇峰起欹枕看雲來變化
信難料轉頭失崔嵬雖然不成雨風起亦快哉槐葉葛
背白少振十日埃白團豈辨此擲去羞薄才蜻蜓泊牆

陰近人故多猜牆西豈更熟已去復飛迴

送王周士赴發運司屬官

寧食三斗塵有手不揖無詩人寧飲三斗醋有耳不聰
無味句牆東草深蘭發薰君先夢我我夢君夢君小窗
誦詩燈花起窗外北風怒未已書生得句勝得官風其
少止盡人歡五更月暉一千大明日君當泛淮浪去去
三十六策中第一買酒鑿北風

試院春晴

今日天氣佳忽思賦新詩春光挾晴色併上桃花枝白
雲浩浩去天色青陸離餘霏遇晚日彩翠紛新奇天公
出變化驚倒癡絕兒逶迤或耐久美好固暫時平生一
枝筇穩處念力衰淡然意已足却赴青燈期

試院書懷

細讀平安字愁邊失歲華疎疎一簾雨淡淡滿枝花投
老詩成癖經春夢到家茫然十年事倚杖數棲鴉

次韻何文鎮題顏持約畫水墨梅花二首

窗間老景晚來新半幅溪藤萬里春從此不貪江路好
賸拋心力喚真真

奪得斜枝不放歸倚窗承月看烹微墨池雪嶺春俱好
付與詩人說是非

又六言

未央宮裏紅杏羯鼓三聲打開大庾嶺頭梅萼管城呼
上屏來

題持約畫軸

日落川更闊煙生山欲浮舟中有閒地載我得同遊
為陳介然題持約畫

層層水落白灘生萬里征鴻小作程日落微風過荷葉
陂南陂北聽秋聲

寄題兗州孫大夫絕塵亭二首

不讀遠遊賦放懷茲地宜雲山繞窗戶萬態爭紛披世
故日已遠風水方逶迤倚杖夜來雨東山烟散遲人間
許長史不與此心期

境空納浩蕩日暮生淒寥竹聲池邊起欲斷還蕭蕭丈人方微吟萬象各動搖林間光景異月出東山椒門前誰剝啄已逝不須邀

梅花兩絕句

客行滿山雪香處是梅花丁寧明月夜認取影橫斜
曉天青脈脈玉面立疎籬山中爾許樹獨自賣人詩

送善相僧超然歸廬山

九疊峰前法遠師長安塵染坐禪衣十年依舊雙瞳碧

萬里今持一笑歸
嵐目向來吾自了
龜腸從與世相違
酒酣更欲煩公說
黃葉漫山錫杖飛

休日早起

朧朧窗影來
稍稍禽聲集
開門知有雨
老樹半身濕
劇讀了無味
遠遊非所急
蒲團著身寬
安取葛戶邑
開鏡白雲度
捲簾秋光入
飽受今日閒
明朝復羈蟄

夏夜

幽窗報夕霽
微月在屋檐
手中白羽扇
共此夜寥寥

月天正碧三更樹微搖緬懷山中景茲夕感路遙長嘯
送行雲可望不可招夜來林光發白露濡青條

慕

長日無公事閒園李遠慕傍觀真一笑互勝不移時幸
未逢重霸何妨著獻之晴天散飛霓驚動隔牆兒

與伯順飯于文緯大光出宋漢傑畫秋山

焚香消午睡開畫逢秋山皇都馬聲中有此四士閒離
離南國樹閃閃湘水灣悠悠孤鳥去淡淡晨暉還屐上

十年覬未散腰脚頑不如一詣君坐此岩石間遠峰如
脩眉近峰如隣鬟書生飽作祟眼亂紛爛斑一笑遺世
人聊破千載顏詩成即畫記可益不可刪

九日宜春院午憇幕中聽大光誦宋迪功詩
酒酣耳熱不成歌奈此一川黃菊何卧聽西風吹好句
老天無恨幕生波

冬至二首

少年多意氣老去一分無閉戶了冬至日長添數珠北

風不待節鴻雁天南驅烏帽獨何幸七日守屋廬石爐
深炷火撩亂一榻書只可自怡悅不堪寄張扶

人生本是客杜叟顧未知今年我聞道悲樂兩脫遺日
色如昨日未覺墮陰遲不須行年記異代尋吾詩東家
窈窕娘融蠟幻梅枝但恐負時節那知有愁時

西省酴醿架上殘雪可愛戲同王元忠席大光

賦詩

酴醿花底當年事夜雪模糊照酒闌北省今朝枝上雪

還揩病眼作花看

對酒

新詩滿眼不能裁
鳥度雲移落酒杯
官裏簿書無日了
樓頭風雨見秋來
是非衮衮書生老
歲月匆匆燕子回
笑撫江南竹根枕
一尊呼起鼻中雷

後三日再賦

天生灑木不須裁
說與兒童是酒盃
落日留霞知我醉
長風吹月送詩來
一官擾擾身增病
萬事悠悠首獨回

不奈長安小車得睡鄉深處作奔雷

簡齋集卷五